



Sarajevo, 31.01.2012.

Završen projekat

“Razvijanje sistema rane podrške djeci s Down sindromom u inkluzivnom odgojno-obrazovnom procesu”

Dodjeljeni certifikati odgajateljicama koje su prošle obuku i donirana oprema vrtićima

Sve veći broj djece s posebnim obrazovnim potrebama se uključuje u redovna obdaništa, što je veoma pozitivan trend jer se upravo u tom uzrastu kod djece postavljaju temelji za sve ostale aktivnosti. Taj period je posebno važan za razvoj govora, kako za svu djecu, tako i za mališane s Down sindromom. Zbog toga se i pojavila potreba za edukacijom odgajatelja/odgajateljica u obdaništima gdje su djeca s Down sindromom uključena u redovne aktivnosti, što je omogućeno kroz provođenje obuke iz oblasti rane intervencije, s fokusom na specifičnosti razvoja govora i učenja kod djece s Down sindromom. Obuka je obuhvatila odgajateljice iz 6 vrtića JU Djeca Sarajeva, te vrtića Amel & Nur, ukupno 15 odgajateljica.

Udruženje “Život s Down sindromom”, koje je i provelo ovu obuku, jutros je organiziralo dodjeljivanje certifikata odgajateljicama koje su uspješno završile obuku. Tom prilikom je direktorica JU Djeca Sarajeva, Vasva Jajetović, izjavila: „Veoma smo zadovoljni projektom i načinom kako je edukacija provedena.“

„Djeca sa Down sindromom već su nekoliko godina uključena u redovne grupe u obdaništu Zvončić, i stvarno nam je bila neophodna jedna ovakva edukacija da bismo što više saznali o specifičnostima tih mališana.“ - rekla je Skalonjić Jasminka, odgajateljica iz obdaništa Zvončić.“ Udruženje je doniralo i 2 printera za vrtiće Zvončić i Kekec, te 9 paketića didaktičkog materijala za Zvončić, Kekec i Mašnicu, Ribicu, Aprilski cvjetovi, Amel, Nur, i predškolsku grupu u O.Š. Kovačići, a koji su nabavljeni sredstvima iz projekta.

Ovim projektom je bio obuhvaćen i rad dvoje logopeda iz Udruženja, koji su tokom 10 mjeseci, pružali redovne sedmične individualne seanse za 30-ro djece.

Rezultati i saznanja iz projekta će biti publikovani kroz stručnu literaturu.

Donator je holandska fondacija Co-operating Netherlands Foundation for Central and Eastern Europe, i IN Fondacije B&H (Fondacija za unapređenje socijalne inkluzije djece i mladih u BiH).